

## **MYKES**

### **Instrucións para publicación**

**MYKES** é unha revista micolóxica de ámbito científico que publica orixinais en galego, relacionados coa macromicoloxía (ascomicetos, basidiomicetos e mixomicetos) galega ou non.

Publícase un número por ano. Cada número presenta unha estrutura en catro seccións: a primeira sección é fixa e denomínase “Micobiota” e as tres restantes son “Fragmenta Chorologica Gallaecica, Fungi”, “Comunicacións” e “Misceláneas”. Os autores indicarán en cada caso a sección na que desexen publicar os seus traballos.

Os traballos leranse e revisaranse polo Consello Editorial. Para ser incluídos nas sección “Micobiota” ou na sección “Fragmenta Chorologica Gallaecica, Fungi”, os manuscritos serán traballos orixinais de investigación e enviaranse a especialistas na materia para que, en cada caso, realicen un informe sobre os mesmos. Para os artigos das seccións “Comunicacións” e “Misceláneas” a aceptación final tan só dependerá do Consello Editorial.

Na sección “Micobiota” publícanse artigos relativos a sistemática, morfoloxía, coroloxía e outros temas relacionados coa macromicoloxía (ascomicetos, basidiomicetos e mixomicetos). Na sección “Fragmenta Chorologica Gallaecica, Fungi” estandarízanse todas as aportacións corolóxicas relativas ás catro provincias galegas. Na sección “Comunicacións” publícanse traballos de divulgación, educación, fitopatoloxía, intoxicacións, investigacións gastronómicas, etc. Na sección “Misceláneas” pormenorízanse as distintas actividades do G.M.G., así como as informacións relativas a outras asociacións micolóxicas, galegas ou non, e tamén comentarios e análise sobre outras publicacións micolóxicas.

#### **FORMATO XERAL DOS TRABALLOS**

Os traballos deberán ir acompañados dos seguintes formularios: “[carta de presentación](#)” e “[lista de comprobación](#)”.

Os textos estarán escritos en galego normativo. Para os artigos redactados en outra lingua enviarase a autorización de publicación en galego. Serán mecanografados a espazo sinxelo, coas marxes de 2,5 cm, tipo de letra Arial e tamaño de letra 12. As palabras non estarán divididas por guións e tan só os nomes científicos estarán en cursiva, ningunha palabra estará subliñada e non haberá notas a pé de páxina. As páxinas estarán numeradas, as figuras e as táboas tamén serán indicadas con números arábigos, seguindo a orde de aparición no texto. Todas as imaxes enviaranse en arquivos separadamente cunha resolución suficiente para garantir a máxima calidade de reprodución.

Como norma xeral os traballos seguirán a seguinte estrutura: título, autores e dirección dos mesmos, resumo, palabras clave, introdución, metodoloxía, resultados e discusión, agradecementos e referencias bibliográficas. Os apartados de título, resumo e palabras clave escribíranse en galego e en inglés.

No apartado “referencias bibliográficas” só teñen que estar aquelas que se mencionan expresamente no texto; ordenadas alfabeticamente por nomes de autores e cronoloxicamente para as publicacións do mesmo autor. Como sistema de referencia utilizarase o estilo Harvard (<https://libweb.anglia.ac.uk/referencing/harvard.htm>) aplicando o formato amosado nos seguintes exemplos:

CALONGE, F.D. 1990. *Setas (Hongos). Guía ilustrada*. 2ª edición. Madrid. Ed. Mundi-Prensa.

VILAS, F., SOPENA, A., REY, L., RAMOS, A., NOMBELA, M.A. & ARCHE, A. 1988. The Corrubedo tidal inlet, Galicia, N.W.Spain: sedimentary processes and

facies. In: P.L. de Boer *et al.* (eds.), *Tide-influenced sedimentary environments and facies*. Dordrecht. Reidel: 183-200.

CABO REY, L. 1998. Contribución ó catálogo dos *Myxomycetes* da Península Ibérica. *Mykes*, 1: 17-21.

MOREAU, P.A. 2005. A nomenclatural revision of the genus *Alnicola* (*Cortinariaceae*). *Fungal Diversity*, 20: 121-155. Dispoñible en: <http://www.fungaldiversity.org/fdp/sfdp/20-9.pdf> [Consultado: 29-V-2007].

Todas as abreviaturas dos nomes das revistas e dos libros mencionados deben adaptarse o B-P-H e o TL2 e para os autores dos taxons a obra de BRUMMITT *et POWELL* (1992) ou KIRK *et al.* (<http://www.indexfungorum.org>).

## **NORMAS PARTICULARES PARA CADA SECCIÓN**

### **Sección “MICBIOTA”:**

Por regra xeral non deberán exceder das 10 páxinas, incluíndo táboas e figuras. Os textos estrutúranse cos apartados de título, autores e dirección dos mesmos, resumo, palabras clave (en galego e inglés), introdución, metodoloxía, resultados e discusión, agradecementos e referencias bibliográficas. O resumo en galego e inglés, non pode exceder das 100 palabras, ten que ser intelixible e dar unha idea rápida do contido do traballo. Irá acompañado dun máximo de 10 palabras clave.

### **Sección “FRAGMENTA CHOROLOGICA GALLAECICA, FUNGI”:**

Por regra xeral non deberán exceder das 5 páxinas. Recóllense os datos dos taxóns que representen unha primeira ou segunda cita provincial, nalgunha das catro provincias galegas. Tamén poden incluírse as primeiras citas despois do ano 1971 e correccións de outras citas. Non son necesarios os apartados de título, introdución e metodoloxía.

Estes son os principais signos convencionais empregados nesta sección:

- \* ante o nome do taxon indica unha nova cita para Galicia.
- \* ante o nome da provincia indica unha nova cita provincial.
- # ante o nome da provincia indica unha primeira cita provincial despois do ano 1971.
- « » pechando o nome do taxon indica que esta referencia corolóxica, anteriormente publicada, debe ser eliminada.

Para as novas citas galegas adoptárase a nomenclatura proposta no *Index Fungorum*, nos demais casos utilizaranse os catálogos publicados na páxina web do *Grupo Micolóxico Galego*.

Os binomen completos noméanse por orde alfabética e para cada un deles deben aparecer os seguintes datos: provincia, localidade, coordenadas UTM, hábitat, data da recollida, nome do recolledor e número de *exsiccata* (preferiblemente nunha micoteca oficial). Nas segundas citas, indícase a páxina, o ano e os autores da publicación da primeira cita, completando os datos da referencia no apartado de referencia bibliográfica. O formato e a estrutura deben seguir estes exemplos:

***Geopora sumneriana* (Cooke) M. Torre, *Anales Inst. Bot. Cavanilles*, 32: 96. 1975**

\*PONTEVEDRA: Mos, Tameiga, 29TNG2770, baixo *Cedrus deodara*, 27-III-2001, J. Rodríguez, LOU-Fungi 16628.

***Amanita boudieri* Barla, *Bull. Soc. Mycol. France*, 3: 195. 1887 var. *boudieri***

A CORUÑA: Ames, Caroubáns, 29TNH2847, bosque mixto de *Pinus pinaster*, *Quercus robur* e *Eucalyptus globulus*, 2-V-2001, I. Galarza, LOU-Fungi 16630. 2ª cita provincial (CASTRO *et* FREIRE, 1992: 68).

### **Sección “COMUNICACIÓN”:**

Adaptándose á temática tratada debe procurarse seguir as mesmas normas (divulgación, pero con rigor científico) coas indicadas para a sección “Micobiota”. Por regra xeral o límite de páxinas non debe exceder de 5, incluíndo táboas e figuras.

**Sección “MISCELÁNEAS”:**

Por regra xeral a extensión máxima dos manuscritos límitase a media páxina por acontecemento. Por outra parte para esta sección, tan só é necesario sinalar o título, os nomes e a dirección dos autores.

**ENVÍO DOS TRABALLOS**

Os traballos enviaranse ao Consello Editorial da revista Mykes ([conselloeditorial@mykes.es](mailto:conselloeditorial@mykes.es)) en Word e PDF. No envío anexaranse os impresos normalizados coa “[carta de presentación](#)” e “[lista de comprobación](#)”.